



REPUBIKA E KOSOVËS
REPUBLIC OF KOSOVO
REPUBLIKA KOSOVO

KOMUNA E KLINËS
MUNICIPALITY OF KLINA
OPŠTINA KLINA



www.komuna-kline.org

Komuna e Klinës

Kuvendi i Komunës

01Nr. 06-13281 2025

Klinë 05.05.2025

PROCESVERBAL

Nga mbledhja e Kuvendit të Komunës së Klinës, mbajtur me datë 21. 03. 2025, në sallën e Kuvendit, nisur nga ora 10:00.

Pjesëmarrës në mbledhje, kryetari i komunës së Klinës, z. Zenun Elezaj, nënkryetarja e komunës, znj. Marqe Selmanaj, drejtorët e drejtorive, Policia e Kosovës, anëtarët e kuvendit, mediat lokale, qytetarë.

Mbledhjen e hapi kryesuesi i kuvendit, z. Fadil Gashi i cili përshëndeti gjithë të pranishmit dhe konstatoi se prezent janë 23 anëtarë të kuvendit.

Rreth Rendit të ditës kryesuesi tha se ka një propozim që me kërkesë të drejtorisë pika 9 të hiqet. Po ashtu propozoj që të vendoset një pikë e re zëvendësimi posa ardhur nga ministria e PH që është rishqyrtimi i vendimit për vënien në diskutim publik të planit zhvillimor komunal 2025-2033.

Hapet debat për rendin e ditës.

Pasi që nuk kishte askush për të diskutuar për rendin e ditës kryesuesi e vuri në votim dhe me 24 vota për, asnjë kundër dhe asnjë abstenim U MIRATUA

Pika 1 e Rendit të Ditës: Arsyetimi i mungesave: Mungon Zafer Gashi, Kushtrim Haliti, Ilir Hoti

Pika 2 e Rendit të Ditës: Shqyrtimi dhe aprovimi i procesverbalit të mbledhjes së kaluar

Me 24 vota për asnjë kundër dhe asnjë abstenim U MIRATUA

Pika 3 e Rendit të Ditës: Shqyrtimi dhe miratimi i KPF-së.

Në bllok me 24 vota për asnjë kundër dhe asnjë abstenim U MIRATUA

Pika 4 e Rendit të Ditës: Rishqyrtimi i vendimit për bartjen e mjeteve nga të hyrat vetanake në paga dhe mëditje.

Kjo pikë lidhet edhe me pikën 5 që është me pagesën e shujtave tha kryesuesi. Ai tha se këtë seancë po e rishqyrtojmë dhe në seancën e radhës të vijë e harmonizuar për bartjen e mjeteve. Kjo kërkesë është nga ministria sikurse tha kryesuesi. Ai tha se në seancën e radhës drejtorja të na l sjellë të dy shkresat bashkë.

Me 24 vota u MIRATUA rishqyrtimi

Pika 5 e Rendit të Ditës: rishqyrtimi i vendimit për pagesën e shujtave.

Kryesuesi tha se për këtë çështje kemi qenë edhe në takim në ministri, Sot na kanë dërguar edhe një shkresë ku sipas tyre vendimi i kuvendit i marrë është i pazbatueshëm. Kryesuesi tha se ne kemi disa alternativa: Ta rishqyrtojmë, Ta anulojmë ose të mbesim pranë vendimit tonë ku më pastaj ministria ka të drejtë të na padisë dhe këtë pastaj e vendosë gjykata. Ndoshta kjo e fundit është më e drejta, tha kryesuesi.

z. Valmir Bacaj: përshëndetje të gjithëve! Ne si grup kuvendar jemi që ta shqyrtojmë sipas kërkesës por të qëndrojmë pranë vendimit që kemi marrë.

z. Esat Raci: Përshëndetje të gjithëve. Edhe ne e përkrahim kërkesën për pagesën për shujta për shërbyesit civil. Kemi disa dilema edhe pyetje: Sipas informative që kam për vitin 2021 janë paguar shujtat por për vitin 2022 dhe 2023 nuk janë paguar. A kemi raste të njëjta ku paguhen shujta në komuna të tjera. Sipas mendimit tim ekzekutivi nuk e ka pasur vullnetin që të paguhen këto shujta.

Kryesuesi tha se ka komuna që I kanë paguar shujtat. Ai tha se ne nuk e kemi prekur vendimin bazë për ndarjen e shujtave I cili vendim edhe sot është në web të komunës, Ne e kemi ndryshuar vetëm vlerën nga 2. 5 euro për shujtë .

z. Tunë Dedaj: Përshëndetje të gjithëve. Më habit fakti pse ministria bënë këso dallimesh- një komunë ja lejon një komunë tjetër nuk ja lejon. Ne e dimë që pagat e punëtorëve në komunë janë minimale. Unë pajtohem me mendimin e Valmirit dhe të qëndrojmë parapa vendimit tonë.

z. Arben Limanaj: Përshëndetje. Edhe ne si grup jemi që të mbështesim punëtorët që të marrin shujtat. Si grup mendojmë që këtë çështje ta definojmë përmes gjykatës.

z. Enver Berisha, drejtor i FEZH: Përshëndetje. Kam obligim dy sqarime të shkurta. Ne bashkë me kryetarin e kemi nënshkruar vendimin për shujta por lënda ka shkuar në gjykatë dhe gjykata ka vendosur në tre mënyra. Një pjesë ka shkuar në rishqyrtim, një pjesë është aprovuar dhe një pjesë është refuzuar. Ne si ekzekutiv e kemi kryer punën tonë. Ne dje e kemi dërguar një delegacion në ministri që ta sqarojnë vendimin që ata e kanë dërguar për mospagesë të shujtave por nuk kanë gjetur mirëkuptim. Hapat ne si komunë që është dashur që të i marrim, i kemi marrë gjithsesi.

z. Esat Raci: Drejtor, pse në 2020 dhe 2021 janë paguar shujtat.

z. Enver Berisha, drejtor I FEZH: Kjo ka qenë si rezultat I kontratës kolektive. Gjykatat edhe për ato vite ka marr tre vendime të ndryshme, nuk është çështje e jona.

z. Zenun Elezaj, kryetar: Ne, vazhdimisht e kemi dërguar kërkesën për pagesë të kompletuar por me ardhjen e qeverisë Kurti nuk na janë lejuar që të i paguajmë. Kjo e fundit që morëm vendim në seancën e fundit, na kanë thënë që nuk I kemi mjetet në kategori edhe pse ne i kemi. Ne prap i dërgojmë që të i paguajmë por nuk na i ekzekuton thesari.

Kryesuesi tha se po vendosim që ne të mbesim pranë vendimit të marrë nga ky kuvend në seancën e kaluar.

Me 24 vota për , asnjë abstenim dhe asnjë kundër u MIRATUA

Pika 6 e Rendit ët Ditës: Rishqyrtimi i planit lokal të veprimit në mjedis

z. Enver Berisha, drejtor I Urbanizimit: Përshëndetje. Rekomandimet I kemi përmirësuar sipas kërkesës së ministrisë dhe tani ky planë është I gatshëm për votim.

Me 24 vota për, asnjë kundër dhe asnjë abstenim U MIRATUA

Pika 7 e Rendit të Ditës: Rishqyrtimi I rregullores për taksa, tarifa dhe ngarkesa komunale në komunën e Klinës.

z. Nikson Dakaj, drejtor I Kadastrit: Ndryshimet e kërkuara janë bërë dhe rregullorja është e gatshme.

Me 24 vota për, asnjë kundër dhe asnjë abstenim U MIRATUA

Pika 8 e Rendit të Ditës: Shqyrtimi dhe miratimi I propozim vendimit nga drejtoria e shëndetësisë dhe mirëqenies sociale për ndërrimin e titullarit të pronave sipas propozimit nga drejtoria e shëndetësisë.

z. Agron Bacaj, drejtor I Shëndetësisë: Siç jeni të informuar nga plani I punës, drejtoria e shëndetësisë ka planifikuar për ndërrim të titullarit të disa pronave që janë afër shtëpisë për përkujdesje shëndetësore të moshuarve. Aty kemi planifikuar të ndërtimit të emergjencës dhe objektin e mjekësisë familjare. Sot në një formë na është konfirmuar edhe donacioni prandaj kërkoj nga ju që të votoni ndërrimin e titullarit. Pronat që janë të evidentuara si pronë e shkollës të kalojnë në pronë të komunës.

Me 24 vota për, asnjë abstenim dhe asnjë kundër U MIRTUA

Pika 9 e Rendit ët Ditës: rishqyrtimi I vendimit për vënie në diskutim publik të planit zhvillimor komunal 2025-2033

z. Fadil Gashi, kryesues: Ne e kemi nisur moti këtë procedurë dhe unë I kam 4 shkresa të ministrisë së njëjtë dhe zyrtarëve të njëjtë. Shkresa e parë: Me konstatim dhe aprovim zyrtar të ministrisë së mjedisit dhe PH I propozojnë kuvendit ët komunës që të marrin vendim për lëshuarë në diskutim publik,(pason data). Ne, bazuar në këtë kemi marrë vendim. Pasi e kemi marr vendimin ka ardhur shkresa nga ministria e njëjtë

ku thotë që anulohet vendimi I Kuvendit. Prapë na ka ardhur shkresë tjetër ku njëjtë thuhet si në të parën nga të njëjtit zyrtar dhe ne në seancën e shkurtit kemi marrë vendim bazuar në atë shkresë. Por prap vjen shkresë tjetër ku kërkon rishqyrtim të vendimit të marrë. Tani ne nuk e dimë se me cilin akt të tyre duhet të punojmë. Janë të njëjtit zyrtar që kanë nënshkruar. Pyetje: A më të drejt kanë bizneset private që shkojnë dhe intervenojnë atje apo kuvendi I komunës. Kjo punë e ka humbur seriozitetin derisa ata vet nuk mund të harmonizohen me aktet e veta, si të harmonizojmë ne këtu. Ne prap po e rishqyrtojmë sipas kërkesës por e ka humb seriozitetin dhe neve si kuvend pa fajin tonë po na qet jo mirë.

Kryesuesi tha se nuk e ka më të qartë se a duhet të anulohet apo të rishqyrtohet. Ai kërkoj mendim edhe nga kryetari

z. Zenun Elezaj, kryetar: Pajtohem plotësisht me kryesuesin por është një gabim teknik në preambulë. Çështjet ligjore janë çështje ligjore, ne e kemi obligim që ta rishqyrtojmë. Duhet të plotësohet ai gabim teknik dhe prap ta sjellim për ta vënë në debat publik. Ne po e marrim vendimin me e leshu në debat publik me plotësimin e atij gabimi teknik.

z. Enver Berisha, drejtor I Urbanizimit: Pajtohem me kryetarin. Ka qenë një gabim teknik dhe nuk është dashtë që të kthehet për rishqyrtim.

Kryesuesi tha se po e them hapur që ata nga ministria ose kanë hyrë në garë me bizneset ose kanë inati me komunën e Klinës sepse nuk kthehet dokumenti për një pik e një presje.

z. Valmir Bacaj propozoj që të merret vendim për ta venë në diskutim publik me plotësimin e preambulës.

z. Esat Raci: Do të thoja që të bëhet një konsultë me zyrën ligjore dhe të mos bëhen shkelje të vogla të tilla.

z. Driton Raci, zyra ligjore: Përshëndetje. Lidhur me kërkesën e tillë ne si zyre nuk e kemi parë se nuk na ka ardhë nga drejtorja po ashtu nuk e kemi parë shkresën e ministrisë. Nëse nga ministria kanë kërkuar që të rishqyrtohet, duhet që të rishqyrtohet.

Sipas kërkesës për rishqyrtim, vendimi u rishqyrtuar dhe u lëshua në votim dhe me 24 vota për, asnjë kundër dhe asnjë abstenim u MIRATUA

Pika 10 e Rendit të Ditës: Shqyrtimi I raportit nga procesi I organizimit të konsultimit publik për rregulloren për transparencë dhe planin e veprimit për transparencë komunale.

Znj. Vlora Tafilaj, zyra për informim: Përshëndetje. Bazuar në Ligjin për Vetëqeverisje Lokale, Udhëzimin Administrativ për Administratë të Hapur në Komuna si dhe Statutin e Komunës, po shpalos para jush Draft-Rregulloren për Transparencë të Komunës së Klinës.

Kjo Rregullore përcakton rregullat që sigurojnë transparencë të punës së organeve komunale, kryetarit të komunës, drejtorive, kuvendit, trupave të kuvendit si dhe mekanizmave të tjerë ligjor, si dhe rregullat, parimet dhe format e përfshirjes së qytetarëve, shoqërisë civile dhe grupeve të interesit në proceset vendimmarrëse.

Dispozitat e kësaj Rregulloreje zbatohen për të gjitha organet e komunës që ushtrojnë autorizime publike sipas ligjit, duke filluar nga ju së pari si kuvend;

Transparenca e Kuvendit -Përbëhet nga disa nene; transmetimi i seancave, Informimi për mbledhjet e kuvendit dhe komiteteve, Përdorimi dhe mirëmbajtja e sistemit të Teleprezencës etj.

Dhe secili nga këto nene ka dispozita se si të sigurohet një organizim i mirëfilltë i procedurave dhe respektim i afateve e me ç` rast arrihet një nivel transparencë të punës së Kuvendit. Nuk isha ndal në shembuj shumë sepse ju si anëtarë të kuvendi jeni të njoftuar dhe keni njohur rreth këtyre dispozitave ligjore pasi ju jeni ata që përballeni me shumë me to në aspektin e punës dhe angazhimit. Tek transparenca e ekzekutivit:

1. Kryetari i komunës ofron transparencë për procesin vendimmarrës të tij, drejtorive dhe administratës.
2. Kryetari i komunës është përgjegjës për zbatimin e legjislacionit në publikim të akteve të ekzekutivit, dhe dokumenteve zyrtare në pajtim me Ligjin Nr. 06/L-82 për mbrojtjen e të dhënave personale dhe Ligjin Nr. 06/L-081 për Qasje në Dokumente Publike si dhe dispozita të tjera. Si Zyre tani kemi web faqen e re zyrtare dhe publikimi i këtyre akteve është në nivelin më të mirë të mundshëm këtë e konstatojnë shumë monitorime dhe vlerësime që nga Raporti i Përformances Komunale, KDI, GAP është renditur si komuna e dytë nga 38 komunat, për nivelin e transparencës komunale me 93 pikë nga 96 të mundshme apo 96.88%, performancë të shkëlqyer në sigurimin e transparencës dhe mbështetjen e hapësirës së informimit për qytetarët. Nëse ju si kuvend, e shihni të arsyeshme që për hir të transparencës sonë të përbashkët, që një dokument të publikohet në vazhdimësi dhe që mendoni që i mungon web faqes zyrtare mund ti jepni propozimet e juaja dhe të fillojmë ta shqyrtojmë si mundësi dhe ta krijojmë si praktikë që ta publikojmë. Në pjesën e fundit janë QASJA NË DOKUMENTET PUBLIKE, INFORMATAT PËR SHËRBIME DHE KOMUNIKIMI, Respektimi i gjuhëve zyrtare, si dhe Funksionimi i faqes zyrtare elektronike të Komunës. Me këtë rast, po ndalem edhe njëherë, ju si kuvend nëse keni ndonjë sugjerim apo ide se tani në formatin e një departamenti apo cili dikasteri apo procedurë tjetër që duhet të përfshihet në rregullore e diskutojmë prap së bashku.

Krejt në fund kjo rregullore shfuqizon rregulloren e vjetër për Transparencë, e datës 26.12.2014, me numër protokolli; 01 Nr. 031-5713/2014.

Rregullorja për transparencë e komunës së Klinës u vu në votim dhe me 25 vota për, asnjë kundër dhe asnjë abstenim U MIRATUA

Pika 11 e rendit të Ditës: Plani I veprimit për transparencë

Me 25 vota për asnjë kundër dhe asnjë abstenim U MIRTUA

Pika 12 e Rendit ët Ditës: Informatë për mirëmbajtjen e rrugëve dhe trotuareve gjatë sezonit dimëror- informatë nga drejtorja e SHPE

z. Qendrim Millaku, drejtor i SHP: Përshëndetje të gjithëve. Drejtorja e SHP në kuadër të kontratës ka realizuar me sukses mirëmbajtjen e rrugëve dhe trotuareve gjatë sezonit dimëror. Gjatë kësaj sezone janë mirëmbajttë rreth 160 km rrugë. Pastrimi i borës dhe hapja e rrugëve ka qenë e rëndësishme për qytetarët e komunës sonë.

z. Millaku specifikoj në detaje të gjitha rrugët e fshatrave se ku është vepruar gjatë sezonit të dimrit.

Pika 13 e rendit të Ditës: Pyetje dhe Përgjigje

Znj. Besiana Gashi: Përshëndetje. Po e paraqes një shqetësim të qytetarëve lidhur me drejtorinë e shëndetësisë. Drejtor a jeni në dijeni se qytetarët janë të obliguar që të blejnë sistemet e infuzioneve edhe pse raftet e QKMF janë të mbushur me ta, po ashtu mungesa e higjienës në QKMF. A keni inspektuar se si po trajnohen praktikantët shumë herë kryejnë shërbime pa prezencën e mentorëve.

z. Agron Bacaj, drejtor i Shëndetësisë: Nuk besoj që praktikantët mund të japin shërbime pa prezencën e mjekut ndërsa sa i përket higjienës është ashtu siç e the ti, kemi marrë masa por fluksi i pacientëve është i madh. Kemi angazhuar shtesë punëtorë për pastrimin e atyre hapësirave. Mungesa e sistemeve mund të them me përgjegjësi se QKMF është e pajisur me artikuj elementar. Sigurisht që këtë problem e kam trajtuar edhe në komitetin ku ju jeni kryesuese. Ne ballafaqohemi me mungesa shkaku i një vendimi që ka marrë ministri së fundmi. Edhe në barnatore private mungojnë sasi e barnave etj. shkaku i atij vendimi. Ne jemi në konsulta të përditshme me ministrinë dhe jemi duke bërë kërkesa të vazhdueshme. Nuk besoj që raftet janë të mbushura me sisteme, nuk po e përjashtoj ndonjë rast të shkeljeve por ne kemi monitorimin , vend për përmirësime ka dhe jemi të gatshëm që ta bëjmë atë.

Znj. Besiana Gashi: Faleminderit për informacionet por nuk pajtohem me atë që e the. Të shtunën jam detyruar vet që të blej sistemet dhe kam edhe fotografi që sisteme ka pasur në dollap.

z. Agron Bacaj, drejtor i shëndetësisë: Kërkoj nga ju Besiana që ta thoni emrin e mjekut dhe teknikut që të shtunën ka qenë në ndërrim dhe me e faktuar gjendjen që sistemet kanë qenë në vitrine dhe mjeku apo tekniku nuk ti ka ofruar. Menaxhmenti i QKMF do të merr masa.

Znj. Besiana Gashi: Unë personalisht nuk kam marrë shërbim por nëna e ime dhe unë i kam pyetur se a keni mungesë të sistemeve dhe më kanë thënë që po. Ndërkohë që nuk ka pasur mungesë të tyre. Ju i keni evidencat se kush ka qenë në ndërrim në atë kohë dhe datë. Unë kam pyet edhe ata që kanë marr infuzione dhe më kanë thënë që

vazhdimisht blejnë vet sistemet e tilla dhe atë pacient që ka pasur 7 ditë të javës që I ka ble vet.

z. Agron Bacaj, drejtor: Nuk e përjashtoj mundësinë që të ketë mungesë fjala për sisteme të tilla por e mohoj kategorisht që të ketë sisteme aty dhe të mos I epet pacientit.

Znj. Blerina Berisha-Gashi: Edhe unë dua të ndërlidhem tek shëndetësia dhe të shpreh shqetësimin tim. Para disa ditëve isha në QKMF për vaksinimin e foshnjës sime 8 muajsh, Kam pritur një orë e gjysmë dhe pediatri nuk ishte aty , jam detyruar që ta bëjë kontrollin para vaksinimit tek mjeku i përgjithshëm. Dua ta pyes drejtorin se stafi a e merr pushimin qysh duan ata apo qysh jua keni përcaktuar ju me rregullore. Po ashtu kam një kërkesë të përsëritur për drejtorin e urbanizimit për rregullimin e një rruge në Qupevë , lagja Fazlia. A është në plan në këtë vit të rregullohet.

z. Agron Bacaj, drejtor I shëndetësisë: Mjekët pediatër punojnë nga ora 7 deri në 15 përjashtim në kohën e pauzës nga ora 11 deri në 12. Ata zëvendësohen nga mjakët e përgjithshëm. Përndryshe ata janë gjithmonë aty në punë në këtë orar.

z. Enver Berisha, drejtor I urbanizimit: Nuk besoj që kam thënë se do të kryhet këtë vit por kur të kemi mundësi buxhetore. Ajo rrugë është rrugë private dhe mendoj që duhet të kthehet në rrugë publike. Sigurisht që do të rregullohet por mos e merr gjithmonë strikt këtë vit me ke thënë dhe u krye sepse ka shumë rrugë të pashtuara.

Znj. Blerina Berisha-Gashi: Kur bënë që të emërtohet rruga e nuk bënë që të asfaltohet, nuk e kuptoj. Mos të flasim për rrugë private sepse ka plotë rrugë private që i keni shtruar deri në derë të shtëpisë

z. Enver Berisha, drejtor I urbanizmit: Prandaj jemi ne që të shtrojmë rrugë njerëzve

znj. Blerina Berisha-Gashi: E ne a jemi njerëz?

z. Enver Berisha, drejtor I urbanizmit: Mendoj që të gjithëve ju kemi kërkuar pëlqimin e kemi praktikuar këtë që të jua marrim pëlqimin dhe besoj që këtë vit edhe rruga e juaj do të asfaltohet.

(Gjatë seancës u bashkua edhe Kushtrim Haliti dhe Zafer Gashi)

z. Esat Raci: Që 4 ose 5 vite, zyra e ofiqarisë në Ujmir nuk ka zyrtar. Pse? Për atë pozitë janë pranuar disa zyrtar por si duket janë të pa dëgjueshëm dhe nuk po shkojnë që të punojnë aty.

Z. Binak Sylaj, drejtor i administratës: Pyetje që më ke pyetur edhe një herë dhe vazhdon të jetë përgjigja e njëjtë. Jemi në rrugë të drejt për të zgjedhur atë problem, Kemi një rekrutim që është me ankesë por që shumë shpejt do të definohet. Shërbimet qytetarët janë duke I marrë dhe nuk kanë asnjë mungesë apo vështirësi. Nuk ka asnjë ankesë nga asnjë qytetar. Reformat kanë mundësuar që qytetari të merr shërbimet pavarësisht nga është, aty ku e ka më së afërmi.

z. Esat Raci: Dua që të ja bëjë me dije drejtorit se personalisht dy qytetarë më kanë paraqit shqetësim po ti them me emër: Fatos Millaku dhe Enver Millaku. Kërkesë e tyre dhe e shumë qytetarëve të tjerë është që zyra në Ujmir të funksionoj. Unë pyeta për punëtorë se a janë pranuar dhe se janë të padëgjueshëm.

z. Binak Sylaj, drejtor: Nuk kam informata të tilla, kam një shëf të zyrës civile që ai i menaxhon por nuk kam ankesa apo shqetësime. Përndryshe çdo punëtor që pranohet për të punuar aty, do të shkoj aty.

z. Asdren Ramadani: Përsëritet. Në zonën ku unë banoj, ndriçimi pothuajse në 90% është kryer por në atë 10% jam edhe unë d.m.th. në atë 10% banoj unë, në lagjen Rastoka. Kur do ta përfundoni edhe atë pjesë.

z. Zenun Elezaj, kryetar: Procedurat e prokurimit do të fillojnë javën që vjen. Nuk guxojmë që të shpallim procedura pa përfunduar protokollimi i marrëveshjeve me ministritë që kemi nënshkruar. Këtë vit do ta marrin formën të gjitha punimet por nuk mund të përfundojnë të gjitha, ato do të vazhdojnë edhe vitin tjetër.

z. Arben Limanaj: Unë kam një pyetje për drejtorin e urbanizimit. Para një kohe kam parë në rrejtët sociale një banorë të fshatit të Shtaricës ku ai shprehte shqetësim për një urë e cila sipas tij ka shkaktuar edhe vërshimet. Dëshiroj të pyes se a është evituar ai problem. Po ashtu lidhur me kanalizimin që bije mbi këtë fshat a ka përfunduar sepse shqetësimi i banorëve është se ujërat e zeza jua vërshojnë arat.

z. Enver Berisha, drejtor i urbanizimit : Nuk ka qenë urë por një beton për çka ne kemi marrë masat dhe e kemi hequr. E kemi zhvendosur kanalizimin dhe është funksional. Edhe lumen e kemi zgjeruar dhe është funksional.

z. Arben Limanaj: më vjen mirë që paskeni vepruar shpejt sepse deri tash çdo shqetësim që kam shprehur këtu nuk është vepruar fare.

z. Ndrec Zefaj: Dua të pyes edhe unë drejtorin e urbanizimit për trotuarin që ka nisë nga Zllakuqani për në Ranoc e Leskoc, deri ku do të vazhdoj ky trotuar sepse ka zëra që do të ndërprerët deri tek lagja Leshaj. Dhe a do të përfshij ky Projekt edhe ndriçimin publik?

z. Enver Berisha, drejtor i urbanizimit: Kur të përfundon trotuari do të përfshij edhe ndriçimin. Kur të përfundoj ky projekt do të vazhdojmë me tjetrin ku do të përfshihen edhe lagjet e tjera.

z. Ndrec Zefaj: Do të duhej ta thoni më më zë se ky projekt do të vazhdoj deri tek lagja Leshaj që ta dinë qytetarët.

z. Enver Berisha, drejtor i urbanizimit: Për detaje mund të vini në zyre dhe ta shpjegoj në detaje.

z. Ndrec Zefaj: Mendoj që s'ka nevojë që të vijë në zyre , këtë duhet ta thoni këtu sepse votat i keni marrë që të ju dëgjojnë qytetarët.

z. Enver Berisha, drejtor I urbanizmit: Ky është një projekt ku në kuadër të tij ka rrugë, kanalizime dhe trotuare, për me qenë I saktë them që të vish dhe ti shikojmë letrat nuk kam asnjë tendencë.

z. Zafer Gashi: Do të doja ta pyes kryetarin. A janë ndreq valvulet e fabrikës, shkoj edhe ky muaj. A jemi duke pirë ujë të pijshëm? Ju keni dhënë disa ditë e javë, a e keni dhënë 10% disa punë kryerësve për punë shtesë? Pyetja e dytë: jemi dëshmitarë të një ndotje të madhe që po bëhet nga gurthyesit, është thënë se ka kontrolla për përdorimin e filtrave etj. Kush udhëton për Prishtinë e sheh në çfarë gjendje është ajo pjesë. Pyetja e tretë: A po i përcjellni këto ndërtimet e larta që keni dhënë leje në qytet dhe pse njërit prej tyre ja keni pezulluar lejen dhe më pastaj ja keni vazhduar?

z. Zenun Elezaj, kryetar: Lidhur me fundërruesin, parimisht kompania e ka afatin deri në fund të këtij muaji që ta kryej. Punë shtesë ka por të gjitha procedurat janë të publikuara. Ndotja nga gurthyesit është kompetencë komplet e KPMM. Ndërtimet e larta nuk e dijnë nëse ke diçka mund të ju drejtohesht drejtorisë së urbanizimit sepse këta kanë përgjegjësi dhe kompetenca.

z. Zafer Gashi: Informatat i keni edhe ju sidoqoftë. Ju po e pranoni që ka punë shtesë edhe pse ju keni premtuar që s' ka me pas më punë shtesë . Sa për ujin e pijshëm keni thënë që në tetor të vitit të kaluar do të lëshohet por nuk u bë akoma.

z. Zenun Elezaj, kryetar: Puna shtesë është legale dhe unë nuk mund ta ndali, është ligjore. Kemi punë shtesë por janë të vogla.

z. Enver Berisha, drejtor I urbanizmit: Ne jemi një ekip që menaxhojmë. Jemi në fazën e testimit të ujit dhe fundërruesit. Kanë hasur në një problem të vogël që firma projektuese e ka bërë dhe kemi bërë përmirësime. Projekti ka përfunduar komplet por më mirë është që mos të ngutemi dhe të bëjmë testimet e duhura. Sa i përket Ndërtimeve në qytet , mund të keni qasje në çdo dokument, ne veprojmë me ligj.

z. Fadil Gashi, kryesues: Në lidhje me reparacionet është bërë e padurueshme. Ndotja e ambientin është e theksuar, asnjë nga operatorët nuk I respekton ligjet. Ndoshta është mirë që të i drejtohem me ndonjë shkresë edhe nivelit qendror që të vijnë e të shohin gjendjen në teren. Kemi edhe vendimin e dytë kur e kemi nxjerrë për fabrikën e çimentos ku kemi kërkuar që Brenda 6-të muajve edhe gurthyesit që të përdorin filtrat gjate separacionit.

z. Zafer Gashi: Edhe në fjalën e kryetarit u pa tendenca që të fajësohet qendra. Por operatorët kanë marrë leje edhe nga komuna. Si është e mundur që një inspektor i yni nuk lajmëron qendrën për gjithë atë ndotje që po ndodhë.

z. Zenun Elezaj, kryetar: Po e shoh që Zaferi po mundohet që të na e lë fajin neve> Komisioni për minerare është kompetent për leje etj. Çdo kompani kur aplikon për leje për gurthyes , ai e bënë projektin ku shpjegon se si do ta trajtoj minimizimin e pluhurit. Ne mund të bëjmë një shkresë apo çfarëdo qoftë por kompetencë është plotësisht e tyre.

Lidhur me këtë çështje debate mes z. Zafer Gashi dhe kryetarit të komunës vazhdoj tutje duke u pajtuar plotësisht se shqetësimi është me vend. U propozua që të ketë një pikë të rendit të ditës në seancën e radhës , propozim i kryetarit. Më pastaj me një kërkesë nga kuvendi të i drejtohen KPMM.

z. Tunë Dedaj: Dua të them se a e dini kur ndalet pluhuri? Atë ditë që të përfundoj autostrada. Është e pamundur që të ndalet pluhuri derisa punohet në rrugë.

Për seancën e radhës mbeti që të diskutohet kjo çështje.

Z. Kushtrim Haliti: Kam bërë foto të shtyllave të ndriçimit në rrugën për Shtupel të cilat shtylla janë rrezuar nga era dhe nuk e diji a i inspekton ndokush rrugët dhe a merr masa. Pyetja e dytë për drejtorin e kadastrit: Transiti ju ka marrë disa prona disa banorëve akoma pa u bërë dëgjimi publik. Për drejtorin e urbanizmit: Rruga në Gjurgjevik të Madh vende vende është e pakalueshme po ashtu edhe në Jashanicë. A keni projekt për rehabilitimin e tyre.

z. Qendrim Millaku, drejtor i SHP: Ne për meremetimin e rrugëve e kemi paraparë dhe aty ku kemi kërkesa nga banorët do ta rregullojmë.

z. Enver Berisha, drejtor i urbanizmit: Ne ju kemi thënë në mënyrë zyrtare operatorëve që në tokat private pa u krye konsultimi publik, pa u përfunduar procedurat mos të veprojnë por nëse ata bëjnë marrëveshje mes vete, unë nuk e diji. Deri tani ajo që është duke u punuar është në pronën publike. Për shtyllat në Shtupel, ne do të shohim se a ka afat kontrata. Nëse ka afat, ne do ta obligojmë operatorin që ti rregulloj.

z. Zenun Elezaj, kryetar: Lidhur me transitin, ne e kemi kompletuar dhe e kemi dërguar elaboratin e shpronësimit. Është kompetencë e nivelit qendror shpronësimi.

Seanca përfundoj me përfundimin e pikës së fundit të Rendit të Ditës. Duke falënderuar ët gjithë për pjesëmarrje dhe kontribut, kryesuesi i Kuvendit z. Fadil Gashi e shpalli të mbyllur mbledhjen.

Procesmbajtës:

Skënder Behramaj



Kryesuesi:

Fadil Gashi